

VENDIM
Nr. 131, datë 27.2.2026

**PËR DISA NDRYSHIME DHE SHTESA NË VENDIMIN NR. 325, DATË 31.5.2023,
TË KËSHILLIT TË MINISTRAVE, “PËR MIRATIMIN E STRUKTURËS SË PAGAVE,
NIVELEVE TË PAGAVE DHE SHTESAVE TË TJERA MBI PAGË TË
ZËVENDËSMINISTRIT, FUNKSIONARËVE TË KABINETEVE, PREFEKTIT,
NËNPREFEKTIT, NËPUNËSVE CIVILË DHE NËPUNËSVE NË DISA
INSTITUCIONE TË ADMINISTRATËS PUBLIKE”, TË NDRYSHUAR**

Në mbështetje të nenit 100 të Kushtetutës; të shkronjave “a” dhe “b”, të pikës 2, të nenit 8, të ligjit nr. 35/2023, “Për kompetencat për caktimin e pagave, trajtimeve të tjera financiare dhe përfitimeve të të punësuarve në institucionet e administratës publike, si dhe të pagës bazë minimale në shkallë vendi”, të ndryshuar; të shkronjës “h”, të pikës 2, të nenit 7, të ligjit nr. 152/2013, “Për nëpunësin civil”, të ndryshuar, dhe të neneve 7 e 9, të ligjit nr. 9584, datë 17.7.2006, “Për pagat, strukturat dhe shpërblimet e institucioneve të pavarura kushtetuese dhe institucioneve të tjera të pavarura, të krijuara me ligj”, të ndryshuar, me propozimin e ministrit të Shtetit për Administratën Publike dhe Antikorrupsionin, Këshilli i Ministrave

VENDOSI:

I. Në vendimin nr. 325, datë 31.5.2023, të Këshillit të Ministrave, “Për miratimin e strukturës së pagave, niveleve të pagave dhe shtesave të tjera mbi pagë të zëvendësministrit, funksionarëve të kabineteve, prefektit, nënprefektit, nëpunësve civilë dhe nëpunësve në disa institucione të administratës publike”, të ndryshuar, bëhen këto ndryshime dhe shtesa:

1. Në pikën 1, të kreut I, bëhen ndryshimet dhe shtesat e mëposhtme:

a) Në shkronjën “b”, emërtimi “Agjencia e Inovacionit dhe Ekselencës” zëvendësohet me “Agjencia “*Innovation4Albania*””.

b) Në shkronjën “ç” bëhen ndryshimi dhe shtesa e mëposhtme:

i. emërtimi “Agjencia Shtetërore e Prokurimeve të Përqendruara” shfuqizohet;

ii. pas emërimit “Drejtoria e Përgjithshme e Policisë së Shtetit” shtohet “Agjencia e Administrimit të Pasurive të Sekuestruara dhe të Konfiskuara”.

c) Në shkronjën “d” bëhen ndryshimet e mëposhtme:

i. emërtimet “Agjencia e Administrimit të Pasurive të Sekuestruara dhe të Konfiskuara” dhe “Agjencia Shtetërore për Mbështetjen dhe Zhvillimin e *Startup*-eve dhe Lehtësuesve” shfuqizohen;

ii. emërtimi “Arkivi Shtetëror i Sistemit Gjyqësor” zëvendësohet me “Arkivi Qendror Shtetëror i Drejtësisë”;

iii. emërtimi “Instituti i Studimeve të Transportit” zëvendësohet me “Instituti i Transportit”.

2. Në kreun III bëhen këto ndryshime dhe shtesa:

a) Pika 2 ndryshohet, si më poshtë vijon:

“2. Presidenti i Republikës, Kryetari i Kuvendit, Kryeministri, zëvendëskryeministri, ministrat apo titullarët e institucioneve në varësi të tyre, me qëllim realizimin me efektivitet dhe eficiencë të misionit dhe objektivave të institucionit që dretojnë kanë të drejtë që, për të marrë këshillimin e duhur për çështje specifike, të kenë këshilltarë të jashtëm apo ndihmës të jashtëm me shtetësi shqiptare apo të huaj, sipas përcaktimit në shkronjat “a” deri në “d”. Paga e këshilltarëve të jashtëm dhe ndihmësve të jashtëm bëhet nga llogaria ekonomike e përcaktuar sipas udhëzimit të ministrit përgjegjës për financat dhe përcaktohet nga:

a) Presidenti, për këshilltarët e jashtëm, të emëruar prej tij, në masën deri në 133 250 (njëqind e tridhjetë e tre mijë e dyqind e pesëdhjetë) lekë në muaj;

b) Kryeministri, për këshilltarët e jashtëm dhe ndihmësit e jashtëm, të emëruar prej tij, në masën, përkatësisht, deri në 133 250 (njëqind e tridhjetë e tre mijë e dyqind e pesëdhjetë) lekë në muaj për këshilltarët e jashtëm dhe deri në 123 000 (njëqind e njëzet e tre mijë) lekë në muaj për ndihmësit e jashtëm;

c) Kryetari i Kuvendit, për këshilltarët e jashtëm të emëruar prej tij, në masën deri në 133 250 (njëqind e tridhjetë e tre mijë e dyqind e pesëdhjetë) lekë në muaj;

ç) Zëvendëskryeministri dhe ministrat, për këshilltarët e jashtëm, të emëruar prej tyre, në masën deri në 123 000 (njëqind e njëzet e tre mijë) lekë në muaj;

d) Titullarët e institucioneve në varësi të Kryeministrit apo ministrave, për këshilltarët e jashtëm, të emëruar prej tyre, në masën deri në 112 750 (njëqind e dymbëdhjetë mijë e shtatëqind e pesëdhjetë) lekë në muaj.”

b) Pas pikës 2 shtohet pika 2/1, me këtë përmbajtje:

“2/1. Numri maksimal i këshilltarëve të jashtëm:

a) për ministrat nuk duhet të jetë më i madh se numri maksimal i këshilltarëve të kabineteve të ministrave, i përcaktuar në vendimin përkatës të Këshillit të Ministrave, ku të paktën 2 (dy) prej tyre kryejnë detyra të përcaktuara nga negociatorët e grupit negociator;

b) për titullarët e institucioneve në varësi të Kryeministrit apo ministrave nuk duhet të jetë më i madh se 3 (tre), ku të paktën 1 (një) prej tyre kryen detyra që lidhen me çështjet e integritetit në rastet kur titullari i institucionit është pjesë e grupit negociator.”

c) Pika 7/4 ndryshohet, si më poshtë vijon:

“7/4. Klasat e pagave dhe shtesat për kushte pune (natyrë të veçantë pune) të pozicioneve të punës së nëpunësve për emërtesat “ekspert”, “ekspert inovacioni”, “drejtor i drejtorive të përmbajtjes”, “zëvendëstitullar institucioni” dhe “titullar institucioni” në Agjencinë “Innovation4Albania” janë sipas lidhjes nr. 8/4, që i bashkëlidhet këtij vendimi dhe është pjesë përbërëse e tij.”

ç) Pas pikës 9/11 shtohen pikat 9/12 dhe 9/13, me këtë përmbajtje:

“9/12. Nivelet e pagave për punonjësit civilë të personelit akademik në Akademinë e Forcave të Armatosura janë sipas lidhjes nr. 10/12, që i bashkëlidhet këtij vendimi dhe është pjesë përbërëse e tij.

Të gjitha përcaktimet e tjera të vendimit nr. 748, datë 11.6.2009, të Këshillit të Ministrave, “Për trajtimin me pagë dhe shtesa mbi pagë të punonjësve të personelit akademik të institucioneve publike të arsimit të lartë”, të ndryshuar, zbatohen edhe për Akademinë e Forcave të Armatosura.”

9/13. Klasat e pagave dhe shtesat për kushte pune (natyrë të veçantë pune) për pozicionet e punës së nëpunësve në Agjencinë e Administrimit të Pasurive të Sekuestruara dhe të Konfiskuara janë sipas lidhjes nr. 10/13, që i bashkëlidhet këtij vendimi dhe është pjesë përbërëse e tij.”

3. Lidhja nr. 1 zëvendësohet me lidhjen me të njëjtin numër dhe titull, që i bashkëlidhet këtij vendimi dhe është pjesë përbërëse e tij.

4. Pika 21, e lidhjes nr. 3, shfuqizohet.

5. Tabela e dytë, e lidhjes 5, zëvendësohet me tabelën, që i bashkëlidhet këtij vendimi dhe është pjesë përbërëse e tij.

6. Në lidhjen nr. 6, rreshti që i përket ministrisë përgjegjëse për financat ndryshohet, si më poshtë vijon:

	Koordinator në njësitë përgjegjëse për planifikimin dhe monitorimin e buxhetit qendror dhe vendor të Drejtorisë së Përgjithshme të Buxhetit.	1	III-2
--	--	---	-------

Ministria përgjegjëse për financat	Inspektor në drejtorinë përgjegjëse për inspektimin financiar publik.	1	III-1
--	--	---	-------

7. Në pjesët I, II dhe III, të lidhjes nr. 7/1, fjalët “Ndihmës ligjor në gjykatat e apelit” zëvendësohen me “Ndihmës ligjor në gjykatat e apelit, gjykatat e shkallës së parë të juridiksionit të përgjithshëm dhe gjykatat administrative të shkallës së parë.”.

8. Në lidhjen nr. 7/3/b, pas fjalëve “Drejtor drejtorie me funksione të nëpunësit zbatues, sipas legjislacionit të menaxhimit buxhetor e financiar” shtohen “Ndihmës ligjor në Gjykatën e Posaçme të Shkallës së Parë për Korrupsionin dhe Krimin e Organizuar.”.

9. Në lidhjen nr. 8, pas emërtesës “Zëvendëskancelar i Kancelarisë së Urdhrave dhe Medaljeve” shtohet “Drejtor i njësisë përgjegjëse për politikën dhe programet e zhvillimit të administratës publike, në Departamentin e Administratës Publike.”.

10. Në lidhjen nr. 9/2, rreshti, që i përket pozicionit “Specialist në Drejtorinë për Koordinimin Juridik”, ndryshohet, si më poshtë vijon:

Specialist në Drejtorinë për Koordinimin Juridik	IV-1	1 ose 2	60 000
--	------	---------	--------

11. Në lidhjen nr. 9/3, vlerat e kolonës “Paga bazë mujore e pozicionit” për pozicionet e punës të klasifikimit doganor C3 dhe D1 bëhen përkatësisht 57 000 dhe 55 600.

12. Në lidhjen nr. 10, fjalët “Përgjegjës i sektorëve të përmbajtjes në Agjencinë Shtetërore të Prokurimeve të Përqendruara”, “Koordinator në Agjencinë Shtetërore të Prokurimeve të Përqendruara” dhe “Specialist në njësitë organizative të përmbajtjes në Agjencinë Shtetërore të Prokurimeve të Përqendruara” shfuqizohen.

13. Lidhja nr. 10/1 zëvendësohet me lidhjen me të njëjtin numër dhe titull, që i bashkëlidhet këtij vendimi dhe është pjesë përbërëse e tij.

14. Lidhja nr. 10/9 zëvendësohet me lidhjen me të njëjtin numër dhe titull, që i bashkëlidhet këtij vendimi dhe është pjesë përbërëse e tij.

15. Në lidhjen nr. 11, fjalët “Administrator në Agjencinë e Administrimit të Pasurive të Sekuestruara dhe të Konfiskuara” dhe “Specialist në njësitë organizative të përmbajtjes në Agjencinë Shtetërore për Mbështetjen dhe Zhvillimin e *Startup*-eve dhe Lehtësuesve” shfuqizohen.

16. Lidhja nr. 11/1 zëvendësohet me lidhjen me të njëjtin numër dhe titull, që i bashkëlidhet këtij vendimi dhe është pjesë përbërëse e tij.

17. Lidhja nr. 11/2 zëvendësohet me lidhjen me të njëjtin numër dhe titull, që i bashkëlidhet këtij vendimi dhe është pjesë përbërëse e tij.

18. Lidhja nr. 11/5 zëvendësohet me lidhjen me të njëjtin numër dhe titull, që i bashkëlidhet këtij vendimi dhe është pjesë përbërëse e tij.

II. Vlerat e elementeve të pagës për:

a) klasat III-1, III-2, III-3, IV-1, IV-2, IV-3 dhe IV-4, të lidhjes nr. 1, pozicionet me numrat rendorë 4 dhe 5, të tabelës së dytë, të lidhjes nr. 5, pozicionet e klasifikimit doganor C3 dhe D1, të lidhjes nr. 9/3, pozicioni me numër rendor 3, të lidhjes nr. 11/1, pozicionet me numrat rendorë 2 dhe 3, të lidhjes nr. 11/2 dhe pozicionet e lidhjes nr. 11/5 janë rezultat i indeksimit në masën 2.5% dhe i politikës së rritjes së pagave;

b) klasat dhe pozicionet e tjera janë rezultat i indeksimit në masën 2.5%.

III. Efektet financiare, që rrjedhin nga zbatimi i këtij vendimi për vitin 2026, përballohen nga buxheti i miratuar për secilin nga institucionet, pjesë e fushës së veprimt të tij, të miratuara në ligjin nr. 87/2025, “Për buxhetin e vitit 2026”, dhe fillojnë:

a) për shfuqizimin e përcaktimeve për Agjencinë e Inovacionit dhe Ekselencës dhe Agjencinë Shtetërore për Mbështetjen dhe Zhvillimin e *Startup*-eve dhe Lehtësuesve, si dhe për përcaktimin e

shkronjës “c”, të pikës 2, të ndarjes I, të këtij vendimi, nga data e emërimit në detyrë të nëpunësve në Agjencinë “Innovation4Albania”;

b) për të gjitha përcaktimet e tjera nga data 1 janar 2026.

IV. Ngarkohen institucionet, pjesë e fushës së veprimtimit të këtij vendimi, për zbatimin e tij.

Ky vendim hyn në fuqi pas botimit në Fletoren Zyrtare.

KRYEMINISTËR

Edi Rama

Lidhja nr. 1

Kategoritë e klasat e pozicioneve të punës, si dhe vlerat mujore të shtesave të pozicioneve të nëpunësve civilë dhe nëpunësve të institucioneve të përcaktuara në pikën 1, të kreut I, të këtij vendimi, me përjashtim të punonjësve të përcaktuar në pikën 2, të kreut II

Kategoria		Klasa e pagës (pozicioneve të punës për secilën kategori)	Elementet e pagës bruto mujore, përjashtuar shtesat për kushte pune (natyrë të veçantë pune) dhe për kushte të vështira e të dëmshme për shëndetin, që jepen rast pas rasti sipas përcaktimit në këtë vendim		
			Paga për pozicion (lekë në muaj)	Shtesa e nivelit të kualifikimit	Shtesa për vjetërsi (sipas mënyrës së llogaritjes së përcaktuar në shkronjën “ç”, të pikës 1, të kreut II)
1		2	3	4	5
E lartë drejtuese	I	I-1	240 875	1	
		I-1/1	231 650	1	
		I-2	222 425	1	
		I-3	210 125	1	
		I-4	184 500	1	
		I-5	174 250	1	
E mesme drejtuese	II	II-1	158 875	1	
		II-2	144 525	1	
E ulët drejtuese	III	III-1	119 000	1	
		III-2	109 000	1	
		III-3	102 000	1	
Ekzekutive	IV	IV-1	95 000	1 ose 2	
		IV-2	85 000	1 ose 2, ose 3	
		IV-3	75 000	1 ose 2, ose 3	
		IV-4	65 000	1 ose 2, ose 3	

Nr. Rendor	Pozicioni	Vlera e pagës bazë mujore të pozicionit të punës (lek/muaj)
1	Zëvendësministër.	0.85 e pagës së ministrit
2	Prefekt.	210 125
3	Nënprefekt.	174 250
4	Sekretar i Presidentit. Sekretar i Kryeministrit. Sekretar i Kryetarit të Kuvendit. Sekretar i Kryetarit të Gjykatës së Lartë.	95 000

	Sekretar i Prokurorit të Përgjithshëm. Sekretar i zëvendëskryeministrit. Sekretar i Nënkyetarit të Kuvendit. Sekretar i Avokatit të Popullit. Këshilltar i Prefektit të qarkut Tiranë.	
5	Sekretar i ministrit. Sekretar në zyrën e Avokatit të Popullit. Sekretar i titullarëve të institucioneve të tjera të pavarura, të përmendura në shkronjën “a”, të pikës 1, të kreut I, të këtij vendimi. Sekretar në Kryeministri. Sekretar në aparatet e ministrive të linjës dhe institucionet e pavarura, të përmendura në shkronjën “a”, të pikës 1, të kreut I, të këtij vendimi. Sekretar i organit kolegjal drejtues. Zëdhënës i Prefektit të qarkut Tiranë.	85 000

Lidhja nr. 8/4

Klasat e pagave dhe shtesat për kushte pune (natyrë të veçantë pune) të pozicioneve të punës së nëpunësve për emërtesat “ekspert”, “ekspert inovacioni”, “drejtor i drejtorive të përmbajtjes”, “zëvendëstitullar institucioni” dhe “titullar institucioni” në Agjencinë “Innovation4Albania”

Pozicioni	Klasa e pagës	Grupi i diplomës	Shtesa për kushte pune (natyrë të veçantë pune) (lek/muaj)
Titullar i institucionit	I-2	1	70 000
Zëvendëstitullar institucioni.	I-4	1	50 000
Drejtor i drejtorive të përmbajtjes	II-1	1	50 000
Ekspert inovacioni	II-1	1	30 000
Ekspert	II-2	1	30 000
Drejtor i drejtorive mbështetëse	II-2	1	0
Përgjegjës sektori në sektorët mbështetës	III-2	1	0
Specialist në sektorët apo drejtoritë mbështetëse	IV-2	1 ose 2 ose 3	0
	IV-3		0

Lidhja nr. 10/1

Nivelet e pagave për punonjësit kërkimorë e shkencorë në Qendrën e Studimeve dhe Publikimeve për Arbëreshët

Emërtimi	Paga në lekë
Drejtor drejtorie në drejtoritë e përmbajtjes me titull “Profesorë” apo “Profesor i Asociuar”	163 000
Drejtor drejtorie në drejtoritë e përmbajtjes nga kategoria “Lektorë”	140 490
Specialist në drejtoritë e përmbajtjes me titull “Profesorë”	159 300
Specialist në drejtoritë e përmbajtjes me titull “Profesor i Asociuar”	138 400
Specialist në drejtoritë e përmbajtjes nga kategoria “Lektorë”	118 940

Nivelet e pagave të punonjësve të trupës artistike në Teatrin Kombëtar dhe në Teatrin Kombëtar të Operës, Baletit dhe Ansamblit Popullor

I. Për Teatrin Kombëtar

Nr.	Pozicioni	Paga bazë mujore e pozicionit të punës (lek)
1	Regjisor; Aktor i parë.	154 775
2	Asistent regjisor; Aktor i dytë.	139 400
3	Skenograf i kategorisë së parë.	118 900
4	Aktor i tretë.	108 650
5	Skenograf i kategorisë së dytë.	103 525

II. Për Drejtorinë e Operës dhe Filarmonisë dhe Drejtorinë e Baletit në Teatrin Kombëtar të Operës, Baletit dhe Ansamblit Popullor

Nr.	Pozicioni	Paga bazë mujore e pozicionit të punës (lek)
1	Drejtor artistik i Operës dhe Filarmonisë. Dirigjent i Operës dhe Filarmonisë. Dirigjent (orkestre). Dirigjent (baleti). Dirigjent kori. Solist i parë (lirik, baleti). Koncertmaestër. Baletmaestër. Regjisor.	199 875
2	Spala sektori (orkestre).	187 575
3	Solist II (lirik, baleti, pianist). Spalë sektori (kori).	180 400
4	Asistent dirigjent. Orkestrant i kategorisë së parë.	168 100
5	Orkestrant i kategorisë së dytë.	161 950
6	Solist i tretë (lirik, baleti).	147 600
7	Korist i kategorisë së parë. Balerin i kategorisë së parë. Pianist korepetitor.	138 375
8	Korist i kategorisë së dytë. Pianist përgatitor. Balerin i kategorisë së dytë.	134 790

III. Për Drejtorinë Artistike të Ansamblit të Këngëve dhe Valleve Popullore në Teatrin Kombëtar të Operës, Baletit dhe Ansamblit Popullor

Nr.	Pozicioni	Paga bazë mujore e pozicionit të punës (lek)
1	Drejtor i Ansamblit të Këngëve dhe Valleve Popullore. Mjeshtër vallesh (korepetitor)	174 250
2	Solist i parë	138 375

	Orkestrant i kategorisë së parë; Korist i kategorisë së parë; Valltar i kategorisë së parë.	
3	Orkestrant i kategorisë së dytë; Valltar i kategorisë së dytë; Korist i kategorisë së dytë.	128 125
4	Solist i dytë; Orkestrant i kategorisë së tretë; Valltar i kategorisë së tretë; Korist i kategorisë së tretë.	110 700

Lidhja nr. 10/12

Nivelet e pagave për punonjësit civilë të personelit akademik në Akademinë e Forcave të Armatosura

Nr. rendor	Pozicioni/kategoria	Paga
	<i>1</i>	<i>2</i>
1	Rektor (Titullar i institucionit) me titullin “Profesor”.	184 000
2	Zëvendësrektor me titujt “Profesor” apo “Profesor i Asociuar”.	174 100
3	Zëvendësrektor me gradën shkencore “Doktor (PHD)”.	171 720
4	Dekan me titujt “Profesor” apo “Profesor i Asociuar”.	174 100
5	Zëvendësdekan me titujt “Profesor” apo “Profesor i Asociuar”.	159 300
6	Zëvendësdekan nga kategoria “Lektorë”.	140 490
7	Përgjegjës i njësisë bazë me titujt “Profesor” apo “Profesor i Asociuar” .	163 000
8	Përgjegjës i njësisë bazë nga kategoria “Lektorë”.	140 490
9	Titullar i grupit mësimor/kërkimor me titujt “Profesor” apo “Profesor i Asociuar”.	163 000
10	Titullar i grupit mësimor/kërkimor nga kategoria “Lektorë”.	140 490
11	Profesor.	159 300
12	Profesor i Asociuar.	138 400
13	Lektorë.	118 940
14	Asistent Lektorë.	96 600

Lidhja nr. 10/13

Klasat e pagave dhe shtesat për kushte pune (natyrë të veçantë pune) për pozicionet e punës së nëpunësve në Agjencinë e Administrimit të Pasurive të Sekuestruara dhe të Konfiskuara

Pozicioni	Klasa e pagës	Grupi i diplomës	Shtesa për kushte pune (natyrë të veçantë pune) (lek/muaj)
Titullar i institucionit	I-4	1	15 000
Drejtor i drejtorive të përmbajtjes/Administrator	II-1	1	15 000
Drejtor i drejtorive mbështetëse	II-2	1	0
Përgjegjës i sektorëve të përmbajtjes/Administrator	III-1	1	15 000
Përgjegjës i sektorëve mbështetës	III-2	1	0
Specialist në drejtoritë dhe sektorët e përmbajtjes	IV-1	1 ose 2	0
Specialist në sektorët dhe drejtoritë mbështetëse	IV-2	1 ose 2 ose 3	0
	IV-3		

Lidhja nr. 11/1

Nivelet e pagave të punonjësve të trupës artistike të Teatrit të Kukullave në Qendrën Kombëtare të Kulturës për Fëmijë, të Teatrit Kombëtar Eksperimental “Kujtim Spahivogli” dhe të Cirkut Kombëtar

Nr.	Pozicioni	Paga bazë mujore e pozicionit të punës (lek/muaj)
1	Dirigjent; Regjisor; Drejtues artistik.	139 400
2	Skenograf i kategorisë së parë; Mjeshtër i studios së cirkut; Mjeshtër profili i numrave të cirkut; Aktor i parë; Akrobat i kategorisë së parë; Orkestrant i kategorisë së parë.	118 900
3	Aktor i dytë; Skenograf i kategorisë së dytë; Akrobat i kategorisë së dytë.	95 000

Lidhja nr. 11/2

Nivelet e pagave të punonjësve të trupës artistike në Qendrën e Kulturës, Medias, Botimeve të Mbrotjtjes dhe trupën artistike në Batalionin e Mbështetjes së Shtabit të Përgjithshëm të Forcave të Armatosura

Nr.	Pozicioni	Paga bazë mujore e pozicionit të punës (lek)
1	Udhëheqës Artistik; Kompozitor.	111 725
2	Dirigjent; Regjisor.	101 000
3	Instrumentist; Vokalist.	87 500

Lidhja nr. 11/5

Vlera e pagës bazë mujore të pozicionit të punës dhe shtesa për kushte pune (natyrë të veçantë pune) në Sektorin e Helikopterëve të Repartit Special RENE A

Pozicioni	Vlera e pagës (lek/muaj)	Shtesa për kushte pune (natyrë të veçantë pune) (lek/muaj)
Shef i sektorit; Pilot; Teknik fluturues	97 100	40 000